

presbytero humilia animam tuam, et magnato humilia caput tuum ».

« Declina pauperi sine tristitia aurem tuam, et redde debitum tuum, et responde illi pacifica in mansuetudine ».

« Libera eum qui injuriam patitur de manu superbi : et non acide feras in animata ».

« In iudicando esto pupillis misericors ut pater, et pro viro matri illorum » :

« Et eris tu velut filius Altissimi obediens, et miserebitur tui magis quam mater ».

« Sapientia filiis suis vitam inspirat, et suscipit inquirentes se, et praeibit in via iustitiae ».

« Et qui illam diligit, diligit vitam : et qui vigilaverint ad illam, complectentur placorem ejus ».

« Qui tenuerint illam, vitam hereditabunt : et qui introibit, benedicit Deus ».

« Qui serviunt ei, obsequentes erunt sancto : et eos qui diligunt illam, diligit Deus ».

« Qui audit illam, iudicabit gentes : et qui intuetur illam, permanebit confidens ».

« Si crederit ei, hereditabit illam, et erunt in confirmatione creaturae illius » :

« Quoniam in tentatione ambulat cum eo, et in primis eligit eum ».

« Timorem et metum, et probationem inducet super illum : et cruciabit illum in tribulatione doctrinae suae, donec tentet eum in cogitationibus suis, et credat animae illius ».

« Et firmabit illum, et iter adducet directum ad illum, et letificabit illum ».

« Et denudabit absconsa sua illi, et thesaurizabit, super illum scientiam et intellectum iustitiae ».

« Si autem oberraverit, derelinquet eum, et tradet eum in manus inimici sui ».

« Fili, conserva tempus, et devota a malo ».

« Pro anima tua ne confundaris dicere verum ».

« Est enim [Al. etiam] confusio adducens peccatum, et est confusio adducens gloriam et gratiam ».

« Ne accipias faciem adversus faciem tuam, nec adversus animam tuam mendacium ».

« Ne reveraris proximum tuum in casu suo » :

« Nec retineas verbum in tempore salutis. Non abscondas sapientiam tuam in decore suo ».

« In lingua enim sapientia dignoscitur : et sensus, et scientia, et doctrina in verbo sensati, et firmiter in operibus iustitiae ».

« Non contradicas verbo veritatis ullo modo, et de mendacio inereditionis tuae confundere ».

« Non confundaris confiteri peccata tua, et ne subicias te omni homini pro peccato ».

« Noli resistere contra faciem potentis, nec conaris contra iectum fluvii ».

« Pro iustitia agonizare pro anima tua, et usque ad mortem certa pro iustitia, et Deus expugnabit pro te inimicos tuos ».

« Noli citatus esse in lingua tua, et inutilis, et remissus in operibus tuis ».

« Noli esse sicut leo in domo tua, evertens domesticos tuos, et opprimens subjectos tibi ».

« Non sit porrecta manus tua ad accipiendum, et ad dandum collecta ».

## CAPUT V.

« Noli attendere ad possessiones iniquas, et ne dixeris : Est mihi sufficiens vita : nihil enim proderit in tempore vindictae et obductionis ».

« Ne sequaris in fortitudine tua concupiscentiam cordis tui » :

« Et ne dixeris : Quomodo potui ? Aut quis me subiecit propter facta mea ? Deus enim vindicans vindicabit ».

« Ne dixeris : Peccavi, et quid mihi accidit triste ? Altissimus enim est patiens redditor ».

« De propitiato peccato noli esse sine metu, neque adicias peccatum super peccatum ».

« Et ne dicas : Miseratio Domini magna est, multitudinis peccatorum meorum miserebitur ».

« Misericordia enim, et ira ab illo cito proximant, et in peccatores respicit ira illius ».

« Non tardes converti ad Dominum, et ne differas de die in diem ».

« Subito enim veniet ira illius, et in tempore vindictae disperdet te ».

« Noli anxius esse in divitiis iniustus : non enim proderunt tibi in die obductionis et vindictae ».

« Non ventiles te in omnem ventum, et non eas in omnem viam : sic enim omnis peccator probatur in duplici lingua ».

« Esto firmus in via Domini, et in veritate sensus tui, et scientia : et prosequatur te verbum pacis et iustitiae ».

« Esto mansuetus ad audiendum verbum, ut intelligas : et cum sapientia proferas responsum verum ».

« Si est tibi intellectus, responde proximo : sin autem, sit manus tua super os tuum, ne capiaris in verbo indisciplinato, et confundaris ».

« Honor et gloria in sermone sensati, lingua vero imprudentis subversio est ipsius ».

« Non appelleris susurro, et lingua tua ne capiaris, et confundaris ».

« Super furem enim est confusio et poenitentia, et denotatio pessima super bilinguem : susurratori autem odium, et inimicitia, et contumelia ».

« Iustificas pusillum, et magnum similiter ».

## CAPUT VI.

« Noli fieri pro amico inimicus proximo : improprium enim et contumeliam malus hereditabit, et omnis peccator invidus et bilinguis ».

« Non te extollas in cogitatione animae tuae velut taurus : ne forte elidatur virtus tua per stultitiam ».

« Et folia tua comedat, et fructus tuos perdat, et relinquantur velut lignum aridum in eremo ».

« Anima enim nequam disperdet qui se habet, et in gaudium inimicis dat illum, et deducet in sortem impiorum ».

« Verbum dulce multiplicat amicos, et mitigat inimicos : et lingua eucharis in bono homine abundat ».

« Multi pacifici sint tibi, et consiliarius sit tibi unus de mille ».

« Si possides amicum, in tentatione posside eum, et ne facile credas ei ».

« Est enim amicus secundum tempus suum et non permanebit in die tribulationis ».

« Et est amicus qui convertitur ad inimicitiam : et est amicus qui odium et rixam, et convicia denudabit ».

« Est autem amicus socius mensae : et non permanebit in die necessitatis ».

« Amicus si permanserit fixus, erit tibi quasi coequalis, et in domesticis tuis fiducialiter aget ».

« Si humiliaverit se contra te, et a facie tua absconderit se, unanimes habebis amicitiam bonam ».

« Ab inimicis tuis separare, et ab inimicis tuis attende ».

« Amicus fidelis, protectio fortis : qui autem invenit illum, invenit thesaurum ».

« Amico fideli nulla est comparatio, et non est digna ponderatio auri et argenti contra bonitatem fidei illius ».

« Amicus fidelis, medicamentum vitae et immortalitatis : et qui metuunt Dominum, invenient illum ».

« Qui timet Deum, aequae habebit amicitiam bonam : quoniam secundum illum erit amicus illius ».

« Fili, a juventute tua excipe doctrinam, et usque ad canos invenies sapientiam ».

« Quasi is qui arat, et seminat, accede ad eam, et sustine bonos fructus illius ».

« In opere enim ipsius exiguum laborabis, et cito edes de generationibus illius ».

« Quam aspera est minium sapientia in doctis hominibus, et non permanebit in illa exors ».

« Quasi lapidis virtus probatio erit in illis, et non demorabuntur proferre illam ».

« Sapientia enim doctrinae secundum nomen est ejus, et non est multis manifesta : quibus autem cognita est, permanet usque ad conspectum Dei ».

« Audi, fili, et accipe consilium intellectus, et ne abicias consilium meum » :

« Injice pedem tuum in compedes illius, et in torques illius collum tuum ».

« Subjice humerum tuum, et porta illam, et ne accideris vinculis ejus ».

« In omni animo tuo accede ad illam, et in omni virtute tua conserva vias ejus ».

« Investiga illam, et manifestabitur tibi, et continens factus ne derelinquas eam ».

« In novissimis enim invenies requiem in ea, et convertetur tibi in oblationem ».

« Et erunt tibi compedes ejus in protectionem fortitudinis, et bases virtutis, et torques illius in stolam gloriae ».

« Decor enim vitae est in illa, et vincula illius alligatura salutaris ».

« Stolum gloriae indues eam, et coronam gratulationis superpones tibi ».

« Fili, si attenderis mihi, disces : et si accommodaveris animum tuum, sapiens eris ».

« Si inclinaveris aurem tuam, excipies doctrinam : et si dilexeris audire, sapiens eris ».

« In multitudine presbyterorum prudentium sta, et sapientia illorum ex corde conjungere, et ut omnem narrationem Dei possis audire, et verberia laudis non effugiant a te ».

« Et si videris sensatum, evigila ad eum : et gradus ostiorum illius exlerat pes tuus ».

« Cogitatum tuum habe in praeceptis Dei, et in mandatis illius maxime assiduus esto : et ipse dabit tibi cor, et concupiscentia sapientiae dabitur tibi ».

## CAPUT VII.

« Noli facere mala, et non te apprehendent ».

« Discede ab iniquo, et deficient mala abs te ».

« Fili, non semines mala in sulcis iniustitiae, et non metes ea in septuplum ».

« Noli querere a domino ducatum, neque a rege cathedram honoris ».

« Non te justifies ante Deum, quoniam agnitor cordis ipse est: et penes regem noli velle videri sapiens ».

« Noli querere fieri iudex, nisi valeas virtute irrumpere iniquitates: ne forte extimescas faciem potentis, et ponas scandalum in aequitate tua ».

« Non pecces in multitudinem civitatis: nec te immittas in populum »:

« Neque alliges duplicia peccata: nec enim in uno eris immunis ».

« Noli esse pusillanimitas in animo tuo ».

« Exorare, et facere elemosynam ne despicias ».

« Ne dicas: In multitudine munerum meorum respiciet Deus, et offerente me Deo altissimo, munera mea suscipiet ».

« Non irideas hominem in amaritudine animæ: est enim qui humiliat, et exultat, circumspexit Deus ».

« Noli arare mendacium adversus fratrem tuum: neque in amicum similiter facias ».

« Noli velle mentiri omnem mendacium: assiduitas enim illius non est bona ».

« Noli verbosus esse in multitudine presbyterorum, non iteres verbum in oratione tua ».

« Non oderis laboriosa opera, et rusticationem creatam ab Altissimo ».

« Non te reputes in multitudine indisciplinatorum ».

« Memento ire, quoniam non tardabit ».

« Humilia valde spiritum tuum: quoniam vindicta carnis impii, ignis et vermis ».

« Noli pravaricari in amicum pecuniam differentem, neque fratrem charissimum auro spreveris ».

« Noli discedere a muliere sensata et bona, quam sortitus es in timore Domini: gratia enim verecundie illius super aurum ».

« Non lēdas servum in veritate operantem, neque mercenarium dantem animam suam ».

« Servus sensatus sit tibi dilectus quasi anima tua: non defraudes illum libertate, neque inopem derelinquas illum ».

« Pecora tibi sunt? Attende illis: et si sunt vitula, perseverent apud te ».

« Filii tibi sunt? Erudi illos, et curva illos a pueitia illorum ».

« Filia tibi sunt? Serva corpus illarum, et non ostendas hilarem faciem tuam ad illas ».

« Trade filiam, et grande opus feceris: et homini sensato da illam ».

« Mulier si est tibi secundum animam tuam, non proicias illam: et odibili non credas te. In toto corde tuo ».

« Honora patrem tuum, et gemitus matris tuæ ne obliviscaris ».

« Memento quoniam nisi per illos natus non fuisses: et retribue illis, quomodo et illi tibi ».

« In tota anima tua time Dominum, et sacerdotes illius sanctifica ».

« In omni virtute tua dilige cum qui te fecit: et ministros ejus ne derelinquas ».

« Honora Deum ex tota anima tua, et honorifica sacerdotes, et propurga te cum brachiis ».

« Da illis partem, sicut mandatum est tibi, primitiarum et purgationis: et de negligentia tua purga te cum paucis ».

« Datum brachiorum tuorum et sacrificio sanctificationis offeres Domino, et initia sanctorum ».

« Et pauperi porrige manum tuam, ut proficiatur propitiatio, et benedictio tua ».

« Gratia dati in conspectu omnis viventis, et mortuo non prohibeas gratiam ».

« Non desis plorantibus in consolatione, et cum lugentibus ambula ».

« Non te pigeat visitare infirmum: ex his enim in dilectione firmaberis ».

« In omnibus operibus tuis memorare novissima tua, et in æternum non peccabis ».

## CAPUT VIII.

« Non litiges cum homine potente, ne forte incidas in manus illius ».

« Non contendas cum viro locuplete, ne forte contra te constituat litem tibi ».

« Multos enim perdidit aurum et argentum, et usque ad cor regum extendit, et convertit ».

« Non litiges cum homine linguato, et non strues in ignem [Al. igne] illius ligna ».

« Non communices homini indocto, ne male de progenie tua loquatur ».

« Ne despicias hominem avertentem se a peccato, neque improperes ei: memento quoniam omnes in correptione sumus ».

« Ne spernas hominem in sua senectute: etenim ex nobis senescunt ».

« Noli de mortuo inimico tuo gaudere: sciens quoniam omnes morimur, et in gaudium nolimus venire ».

« Ne despicias narrationem presbyterorum sapientium, et in proverbii eorum conversare ».

« Ab ipsis enim discas sapientiam, et doctrinam intellectus, et servire magnatis sine quærela ».

« Non te prætercat narratio seniorum: ipsi enim didicerunt a patribus suis »:

« Quoniam ab ipsis discas intellectum, et in tempore necessitatis dare responsum ».

« Non incendas carbones peccatorum arguens eos, et ne incendaris flamma ignis peccatorum illorum ».

« Ne contra faciem stes contumeliosus, ne sedeat quasi insidiator ori tuo ».

« Noli fenerari homini fortiori te: quod si feneraveris, quasi perditum habe ».

« Non spondeas super virtutem tuam: quod si sponderis, quasi resituentis cogita ».

« Non iudices contra judicem: quoniam secundum quod justum est, iudicat ».

« Cum audace non eas in via, ne forte gravet mala sua in te: ipse enim secundum voluntatem suam vadit, et simul cum stultitia illius peries ».

« Cum iracundo non facies [Al. facias] rixam, et cum audace non eas in desertum: quoniam quasi nihil est ante illum sanguis, et ubi non est adjutorium, elidit te ».

« Cum fatuus consilium non habeas: non enim poterunt diligere, nisi quæ eis placent ».

« Coram extraneo ne facias consilium: nescis enim quid pariet ».

« Non omni homini cor tuum manifestes: ne forte inferat tibi gratiam falsam, et convicietur tibi ».

## CAPUT IX.

« Non zeles mulierem sinus tui, ne ostendat super te malitiam doctrinæ nequam ».

« Non des mulieri potestatem animæ tuæ, ne ingrediatur in virtutem tuam, et confundaris ».

« Ne respicias mulierem multivolum: ne forte incidas in laqueos illius ».

« Cum saltatrice ne assiduas sis: nec audias illam, ne forte pereas in efficacia illius ».

« Virginem ne conspicias, ne forte scandalizeris in decore illius ».

« Ne des fornicariis animam tuam in ullo: ne perdas te, et hereditatem tuam ».

« Noli circumspicere in vicis civitatis, ne oberraveris in plateis illius ».

« Averte faciem tuam a muliere compta, et ne circumspicias speciem alienam ».

« Propter speciem mulieris multi perierunt: et ex hoc concupiscentia quasi ignis exardescit ».

« Omnis mulier, quæ est fornicaria, quasi stercus in via conculcabitur ».

« Speciem mulieris alienæ multi admirati, reprobi facti sunt: colloquium enim illius quasi ignis exardescit ».

« Cum aliena muliere ne sedeas omnino, nec accumbas cum ea super cubitum ».

« Et non alterceris cum illa in vino, ne forte declinet cor tuum in illam, et sanguine tuo labaris in perditionem ».

« Ne derelinquas amicum antiquum: novus enim erit similis illi ».

« Vinum novum, amicus novus: veterasceat, et cum suavitate bibes illud ».

« Non zeles gloriam, et opes peccatoris: non enim scis quæ futura sit illius subversio ».

« Non placet tibi injuria in justorum, sciens quoniam usque ad inferos non placebit impius ».

« Longe abesto ab homine potestatem habente occidendi, et non suspicaberis timorem mortis ».

« Et si accesseris ad illum, noli aliquid committere, ne forte auferat vitam tuam ».

« Communionem mortis seito: quoniam in medio laqueorum ingredieris, et super dolentium arma ambulabis ».

« Secundum virtutem tuam cave te a proximo tuo, et cum sapientibus et prudentibus tracta ».

« Viri justi sint tibi convivæ, et in timore Dei sit tibi gloriatio ».

« Et in sensu sit tibi cogitatus Dei, et omnis enarratio tota in præceptis Altissimi ».

« In manu artificum opera laudabuntur, et princeps populi in sapientia sermonis sui: in sensu vero seniorum verbum ».

« Terribilis est in civitate sua homo linguosus: et temerarius in verbo suo odibilis erit ».

## CAPUT X.

« Iudex sapiens iudicabit populum suum, et principatus sensu stabilis erit ».

« Secundum iudicem populi, sic et ministri ejus: et qualis rector est civitatis, tales et inhabitantes in ea ».

<sup>1</sup> Hentenii codices editi, « disciplinorum »: refragantibus recto sensu, Græcoque ipso textu ἀμαρτωλῶν.

« Rex insipiens perdet populum suum : et civitates inhabitabuntur per sensum potentium » .  
 « In manu Dei potestas terre : et utilem rectorem suscitabit in tempus super illam » .  
 « In manu Dei prosperitas hominis : et super faciem scribæ imponet honorem suum » .  
 « Omnis injuria proximi ne memineris, et nihil agas in operibus injuriæ » .  
 « Odibilis coram Deo est et hominibus superbia : et execrabilis omnis iniquitas gentium » .  
 « Regnum agente in gentem transfertur [Al. transferetur] propter injustitias, et injurias, et contumelias, et diversas dolos » .  
 « Avaro autem nihil est scelestius. Quid superbit terra et cinis ? »  
 « Nihil est iniquius quam amare pecuniam : hic enim et animam suam venale habet : quoniam in vita sua projecit infima sua » .  
 « Omnis potentatus brevis vita. Languor prolixior gravat medicum » .  
 « Brevem languorem præcidit medicus : sic et rex hodie est, et cras morietur » .  
 « Cum enim morietur homo, hæreditabit serpentes, et bestias, et vermes » .  
 « Initium superbiæ hominis, apostatare a Deo » .  
 « Quoniam ab eo, qui fecit illum, recessit cor ejus : quoniam initium omnis peccati est superbia : qui tenuit illam, adimplebitur maledictis, et subvertet eum in finem » .  
 « Propterea exhonora vit Dominus conventus malorum, et destruxit eos usque in finem » .  
 « Sedes ducum superborum destruxit Deus, et sedere fecit miles pro eis » .  
 « Radices gentium superbarum arefecit Deus, et plantavit humiles ex ipsis gentibus » .  
 « Terras gentium evertit Dominus, et perdidit eas usque ad fundamentum » .  
 « Arefecit ex ipsis, et disperdidit eos, et cessare fecit memoriam eorum a terra » .  
 « Memoriam superborum perdidit Deus ; et reliquit memoriam humilium sensu » .  
 « Non est creata hominibus superbia : neque iracundianationi mulierum » .  
 « Semen hominum honorabitur hoc, quod timet Deum : semen autem hoc exhonora bitur, quod præterit mandata Domini » .  
 « In medio fratrum rector illorum in honore : et qui timent Dominum, erunt in oculis illius » .  
 « Gloria divitum, honoratorum, et pauperum, timor Dei est » .  
 « Noli despiciere hominem justum pauperem, et noli magnificare virum peccatorem divitem » .

« Magnus, et iudex, et potens est in honore : et non est major illo qui timet Deum » .  
 « Servo sensato libri servient : et vir prudens et disciplinatus non murmurabit correptus, et inscius non honorabitur » .  
 « Noli extollere te in faciendo opere tuo : et noli cunctari in tempore angustiarum » .  
 « Melior est qui operatur, et abundat in omnibus, quam qui gloriatur, et eget pane » .  
 « Fili, in mansuetudine serva animam tuam, et da illi honorem secundum meritum suum » .  
 « Peccantem in animam suam quis justificabit ? Et qui honorificabit exhonora ntam animam suam ? »  
 « Pauper gloriatur per disciplinam et timorem suum : et est homo qui honorificatur propter substantiam suam » .  
 « Quia utem gloriatur in paupertate, quanto magis in substantia ! Et qui gloriatur in substantia, paupertatem veretur » .

## CAPUT XI.

« Sapientia humiliati exaltabit [Al. exaltavit] caput illius, et in medio magnatorum consedere illum faciet » .  
 « Non laudes virum in specie sua, neque spernas hominem in visu suo » .  
 « Brevis in volatilibus est apis, et initium dulcoris habet fructus illius » .  
 « In vestitu ne glories unquam, nec in die honoris tui extollaris : quoniam mirabilia opera Altissimi solius : et gloriosa, et absconsa, et invisæ opera illius » .  
 « Multi tyranni sederunt in throno, et insuspiciabilis portavit diadema » .  
 « Multi potentes oppressi sunt valide, et gloriosi traditi sunt in manus alterorum » .  
 « Priusquam interroges, ne vituperes quemquam : et cum interrogaveris, corrippe iuste » .  
 « Priusquam audias, ne respondeas verbum, et in medio sermonum ne adjicias loqui » .  
 « De ea re, que te non molestat, ne ceteris : et in iudicio peccantium ne consistas » .  
 « Fili, ne in multis sint actus tui : et si dives fueris, non eris immunis a delicto : si enim secutus fueris, non apprehendes : et non effugies, si præcurreris » .  
 « Est homo laborans, et festinans, et dolens impius, et tanto magis non abundabit » .  
 « Est homo marcidus egens recuperatione, plus deficiens virtute, et abundans paupertate » .  
 « Et oculus Dei respexit illum in bono, et erexit

eum ab humilitate ipsius, et exaltavit caput ejus : et mirati sunt in illo multi, et honoraverunt Deum » .  
 « Bona et mala, vita et mors, paupertas et honestas a Deo sunt » .  
 « Sapientia et disciplina, et scientia legis apud Deum : dilectio, et viæ bonorum apud ipsum » .  
 « Error et tenebræ peccatoribus concreta sunt : qui autem exsullant in malis, consensescunt in malo » .  
 « Datio Dei permanet justis, et profectus illius successus habebit in æternum » .  
 « Est qui locupletatur parce agendo, et hæc est pars mercedis illius » .  
 « In eo quod dicit : Iveni requiem mihi, et nunc manducabo de bonis meis solus » :  
 « Et nescit quod tempus præteriet, et mors appropinquet, et relinquat omnia aliis, et morietur » .  
 « Sta in testamento tuo, et in illo colloquere, et in opere mandatorum tuorum veterasce » .  
 « Ne manseris in operibus peccatorum » .  
 « Confide autem in Deo, et mane in loco tuo » .  
 « Facile est enim in oculis Dei subito honestare pauperem » .  
 « Benedictio Dei in mercedem iusti festinat, et in hora veloci processus illius fructificat » .  
 « Ne dicas : Quid est mihi opus, et quæ erunt mihi ex hoc bona ? »  
 « Ne dicas : Sufficiens mihi sum : et quid ex hoc pessimabor » .  
 « In die honorum ne immemor sis malorum : et in die malorum ne immemor sis honorum » :  
 « Quoniam facile est coram Deo in die obitus retribuere unicuique secundum vias suas » .  
 « Malitia horæ oblivionem facit luxuriæ magnæ, et in fine hominis denudatio operum illius » .  
 « Ante mortem ne laudes hominem quemquam, quoniam in filiis suis agnoscitur vir » .  
 « Non omnem hominem inducas in domum tuam : multæ enim sunt insidiæ dolosi » .  
 « Sicut enim eructant præcordia fetentium, et sicut perdix inducitur in caveam, et ut caprea in laqueum : sic et cor superborum : et sicut prospector videns casum proximi sui » .  
 « Bona enim in mala convertens, insidiatur, et in electis imponet maculam » .  
 « A scintilla una augetur ignis, et ab uno doloso augetur sanguis : Homo vero peccator sanguini insidiatur » .  
 « Attende tibi a pestifero, fabricat enim mala : ne forte inducat super te subsannationem in perpetuum » .

« Admitte ad te alienigenam, et subvertet te in turbine et abalienabit te a tuis propriis » .

## CAPUT XII.

« Si benefeceris, scito cui feris ; et erit gratia in bonis tuis multa » .  
 « Benefac justo, et invenies retributionem magnam : et si non ab ipso, certa a Domino » .  
 « Non est enim ei bene, qui assiduus est in malis, et elemosynas non danti : quoniam et Altissimus odio habet peccatores, et misertus est penitentibus » .  
 « Da misericordi, et ne suspicias peccatorem : et impiis et peccatoribus reddet vindictam, custodiens eos in diem vindictæ » .  
 « Da bono, et non repperis peccatorem » .  
 « Benefac humili, et non dederis impio ; prohibe panes illi dari, ne in ipsis potentior te sit » .  
 « Nam duplicia mala invenies in omnibus bonis, quæcumque feceris illi ? quoniam et Altissimus odio habet peccatores, et impiis reddet vindictam » .  
 « Non agnosce tur in bonis amicus, et non abscondetur in malis inimicus » .  
 « In bonis viri, inimici illius in tristitia : et in malitia illius, amicus agnitus est » .  
 « Non credas in initio tuo in æternum : sicut enim seramentum eruginat nequitia illius » .  
 « Et si humiliatus vadat curvus, adice animum tuum, et custodi te ad illo » .  
 « Non statuas illum penes te, nec sedeat ad dexteram tuam, ne forte conversus in locum tuum, inquirat cathedram tuam : et in novissimo agnoscas verba mea, et in sermonibus meis stimuleris » .  
 « Quis miserabitur incantatoria serpente percussio, et omnibus, qui appropriant bestiis ? Et sic qui comitatur cum viro iniquo, et obvolutus est in peccatis ejus » .  
 « Una hora tecum permanebit : si autem declina veris, non supportabit » .  
 « In labiis suis indulcat inimicus : et in corde suo insidiatur, ut subvertat te in foveam » .  
 « In oculis suis lacrymatur inimicus et si invenit tempus non satiabitur sanguine » .  
 Et si incurrerint tibi mala, invenies eum illum priorem » .  
 « In oculis suis lacrymatur inimicus, et quasi adjuvans suffodiet plantas tuas » .

« Caput suum movebit, et plaudet manu : et multa susurrans commutabit vultum suum ».

## CAPUT XIII.

« Qui tetigerit picem, inquinabitur ab ea : et qui communicaverit superbo induet superbiam ».

« Pondus super se tollit, qui honestiori se communicat : et ditiori te ne socius fueris ».

« Quid communicabit cacabus ad ollam ? Quando enim se colliserit [Al. colliserint] confringetur ».

« Dives injuste egit, et fremet : pauper autem laesus lucebit ».

« Si largitus fueris, assumet te : et si non habueris, derelinquet te ».

« Si habes, convivet tecum, et evacuabit te, et ipse non dolebit super te ».

« Si necessarius illi fueris, supplantabit te, et subridens spem dabit, narrans tibi bona, et dicit : Quid opus est tibi ? »

« Et confundet te in cibis suis, donec te exaniat bis et ter : et in novissimo deridebit te : et postea videns derelinquet te, et caput suum movebit ad te ».

« Humiliare Deo, et expecta manus ejus ».

« Attende, ne seductus in stultitiam humilioris ».

« Noli esse humilis in sapientia tua, ne humiliatus in stultitiam seducaris ».

« Advocatus a potentiore discede : ex hoc enim magis te advocabit ».

« Ne improbus sis, ne impingaris : et ne longe sis ab eo, ne eas in oblivionem ».

« Ne relinças ex aequo loqui cum illo, nec credas multis verbis illius : ex multa enim loquela tentabit te, et subridens interrogabit te de absconditis tuis ».

« Immitis animus illius conservabit verba tua : et non parcat de malitia, et de vinculis ».

« Cave tibi, et attende diligenter auditui tuo : quoniam cum subversione tus ambulas ».

« Audiens vero illa quasi in somnis vide, et vigilabis ».

« Omni vita tua dilige Deum, et invoca illum in salute tua ».

« Omne animal diligit simile sibi : sic et omnis homo proximum sibi ».

« Omnis caro ad similem sibi conjungetur, et omnis homo similis sibi sociabitur ».

1 Olim erat « ad carnem » vitiose.

« Si communicabit lupus agno aliquando, sic peccator justo ».

« Quæ communicatio sancto homini ad canem ? Aut quæ pars diviti ad pauperem ? »

« Venatio leonis onager in eremo : sic et pascua divitum sunt pauperes ».

« Et sicut abominatio est superbo humilitas : sic et execratio divitis pauper ».

« Dives commotus confirmatur ab amicis suis : humilis autem cum ceciderit, expelletur a notis ».

« Diviti decepto multi recuperatores : locutus est superba, et justificaverunt illum ».

« Humilis deceptus est, insuper et arguitur : locutus est sensate, et non est datus ei locus » :

« Dives locutus est, et omnes tacerunt, et verbum illius usque ad nubes perducent ».

« Pauper locutus est, et dicitur : Quis est hic ? Et si offenderit, subvertet illum ».

« Bona est substantia cui non est peccatum in conscientia : et nequissima paupertas in ore impij ».

« Cor hominis immutat faciem illius, sive in bona, sive in mala ».

« Vestigium cordis boni, et faciem bonam difficile invenies, et cum labore ».

## CAPUT XIV.

« Beatus vir qui non est lapsus verbo ex ore suo, et non est stimulatus in tristitia delicti ».

« Felix qui non habuit animi sui tristitiam, et non excidit a spe sua ».

« Viro cupido et tenaci sine ratione est substantia, et homini livido ad quid aurum ? »

« Qui acervat ex animo suo injuste, alijs congregat, et in bonis illius alius luxuriabitur ».

« Qui sibi nequam est, cui alii bonus erit ? Et non jucundabitur in bonis suis ».

« Qui sibi invidet, nihil est illo nequius : et hæc redditio est malitie illius » :

« Et si bene fecerit, ignoranter, et non volens facit : et in novissimo manifestat malitiam suam ».

« Nequam est oculus lividi, et avertens faciem suam, et despicions animam suam ».

« Insatiabilis oculus cupidi in parte iniquitatis : non satiabitur donec consumat arefaciens animam suam ».

« Oculus malus ad mala : et non satiabitur pane, sed indigens et in tristitia erit super mensam suam ».

« Fili, si habes, benefac tecum, et Deo dignas oblationes offer ».

« Memor esto, quoniam mors non tardat, et testamentum inferorum quia demonstratum est tibi : testamentum enim hujus mundi morte morietur ».

« Ante mortem benefac amico tuo, et secundum vires tuas exporrigenas da pauperi ».

« Non defrauderis a die bono, et particula boni domi non te pretereat ».

« Nonne alijs relinques dolores et labores tuos in divisione sortis ? »

« Da, et accipe, et justifica animam tuam ».

« Ante obitum tuum operare justitiam : quoniam non est apud inferos invenire cibum ».

« Omnis caro sicut fenum veterascet, et sicut folium fructificans in arbore viridi ».

« Alia generantur, et alia deiciuntur : sic generatio carnis et sanguinis, alia finitur, et alia nascitur ».

« Omne opus corruptibile in fine deficiet : et qui illud operatur, ibit cum illo ».

« Et omne opus electum justificabitur : et qui operatur illud, honorabitur in illo ».

« Beatus vir, qui in sapientia morabitur, et qui in justitia sua meditabitur, et in sensu cogitabit circumspectionem Dei ».

« Qui excogitat vias illius in corde suo, et in absconditis suis intelligens, vadens post illam quasi investigator, et in viis illius consistens » :

« Qui respicit per fenestras illius, et in januis illius audiens » :

« Qui requiescit juxta domum illius, et in partibus illius figens palum, statuet casulam suam ad manus illius, et requiescent in casula illius bona per ævum ».

« Statuet filios suos sub tegmine illius, et sub ramis ejus morabitur ».

« Protegetur sub tegmine illius a fervore : et in gloria ejus requiescet ».

## CAPUT XV.

« Qui timet Deum, faciet bona : et qui continens est justitiæ, apprehendet illam ».

« Et obviabit illi quasi mater honorificata, et quasi mulier a virginitate suscipiet illum ».

« Cibabit illum pane vite et intellectus, et aqua

sapientiæ salutaris potabit illum : et firmabitur in illo, et non flectetur » :

« Et continebit illum, et non confundetur : et exaltabit illum apud proximos suos ».

« Et in medio Ecclesiæ aperiet os ejus, et adimplebit illum spiritu sapientiæ et intellectus, et stola gloriæ vestiet illum ».

« Jucunditatem, et exultationem thesaurizabit super illum, et nomine æterno hereditabit illum ».

« Homines stulti non apprehendent illam, et homines sensati obviabunt illi, homines stulti non videbunt eam : longe enim abest a superbia et dolo ».

« Viri mendaces non erunt illius memores : et viri veraces invenientur in illa, et successum habebunt usque ad inspectionem Dei ».

« Non est speciosa laus in ore peccatoris ».

« Quoniam a Deo protecta est sapientia : sapientiæ Dei ad stabit laus, et in ore fidelis abundabit, et dominator dabit eam illi ».

« Non dixeris : Per Deum abest : quæ enim odit, ne feceris ».

« Non dicas : Ille me implanavit : non enim necessarii sunt ei homines impij ».

« Omne execramentum erroris odit Dominus, et non erit amabile timentibus eum ».

« Deus ab initio constituit hominem, et reliquit illum in manu consilij sui ».

« Adjecit mandata et præcepta sua ».

« Si volueris mandata servare, conservabunt te, et in perpetuum fidem placitam facere ».

« Apposuit tibi aquam et ignem : ad quod volueris, porrige manum tuam ».

« Ante hominem vita et mors, bonum et malum : quod placuerit ei, dabitur illi ».

« Quoniam multa sapientia Dei, et fortis in potentia, videns omnes sine intermissione ».

« Oculi Domini ad timentes eum : et ipse agnoscit omnem operam hominis ».

« Nemini mandavit impie agere, et nemini dedit spatium peccandi ».

« Non enim concupiscit multitudinem filiorum infidelium, et inutilium ».

## CAPUT XVI.

« Ne jucunderis in filiis impijs, si multiplicentur : nec oblecteris super ipsos, si non est timor Dei in illis ».

« Non credas vite illorum, et ne respexeris in labores eorum » :

« Melior [Al. Melius] est enim unus timens Deum, quam mille filii impii ».

« Ut utile est mori sine filiis, quam relinquere filios impios ».

« Ab uno sensato inhabitabitur patria, tribus impiorum deseretur ».

« Multa talia vidit oculus meus : et fortiora horum audivit aures mea ».

« In synagoga peccantium exardebit ignis, et in gente incredibili exardescet ira ».

« Non exoraverunt pro peccatis suis antiqui gigantes, qui destructi sunt confidentes suæ virtuti ».

« Et non pepercit peregrinationi Loth, et execratus est eos præ superbia verbi illorum ».

« Non miserus est illis, gentem totam perdens, et extolentem se in peccatis suis ».

« Et sicut sexcenta millia peditum, qui congregati sunt in duritia cordis sui : et si unus fuisset cervicatus, mirum si fuisset immunis ».

« Misericordia enim et ira est cum illo. Potens exoratio, et effundens iram ».

« Secundum misericordiam suam, sic correptio illius hominem secundum opera sua iudicat ».

« Non effugiet in rapina peccator, et non retardabit differentia misericordiam facientis ».

« Omnis misericordia faciet locum unicuique secundum meritum operum suorum, et secundum intellectum peregrinationis ipsius ».

« Non dicas : A Deo abscondar et ex summo quis mei memorabitur ? »

« In populo magno non agnoscar : quæ est enim anima mea in tam immensa creatura ? »

« Ecco caelum, et cæli caelorum, abyssus, et universa terra, et quæ in eis sunt, in conspectu illius commovebuntur ».

« Montes simul, et colles, et fundamenta terræ : cum conspexerit illa Deus, tremore concutientur ».

« Et in omnibus his insensatum est cor et omne cor intelligitur ab illo ».

« Et vias illius quis intelligit, et procellam, quam nec oculus videbit hominis ? »

« Nam plurima illa opera sunt in absconsis : sed opera justitiæ ejus quis enuntiabit ? Aut quis sustinebit ? Longe enim est testamentum a quibusdam, et interrogatio omnium in consummatione est ».

« Qui minoratur corde, cogitat inania : et vir imprudens, et errans cogitat stulta ».

« Audi me, filii, et discite disciplinam sensus, et in verbis meis attende in corde tuo ».

« Et dicam in æquitate disciplinam, et scrutabor enarrare sapientiam : et in verbis meis attende in corde tuo, et dico in æquitate spiritus virtutes, quas posuit Deus in opera sua ab initio, et in veritate enuntio scientiam ejus ».

« In iudicio Dei opera ejus ab initio, et ab institutione ipsorum distinxit partes illorum, et initia eorum in gentibus suis ».

« Ornavit in æternum opera illorum, nec esurierunt, nec laboraverunt, et non destiterunt ab operibus suis ».

« Unusquisque proximum sibi non angustiabit usque in æternum ».

« Non sis incredibilis verbo illius ».

« Post hæc Deus in terram respexit, et implevit illam bonis suis ».

« Anima omnis vitalis denunciavit ante faciem ipsius, et in ipsam iterum reversio illorum ».

## CAPUT XVII.

« Deus creavit de terra hominem, et secundum imaginem suam fecit illum ».

« Et iterum convertit illum in ipsam, et secundum se vestivit illum virtute ».

« Numerum dierum, et tempus dedit illi, et dedit illi potestatem eorum, quæ sunt super terram ».

« Posuit timorem illius super omnem carnem, et dominatus est bestiarum et volatilium ».

« Creavit ex ipso adiutorium simile sibi : consilium, et linguam, et oculos, et aures, et cor dedit illis excogitandi, et disciplina intellectus replevit illos ».

« Creavit illis scientiam spiritus, sensu implevit cor illorum, et mala et bona ostendit illis ».

« Posuit oculum suum super corda illorum ostendere [Al. et ostendere] illis magnalia operum suorum ».

« Ut nomen sanctificationis collaudent : et gloriari in mirabilibus illius, ut magna enarrant operum ejus ».

« Adhuc illis disciplinam, et legem vite hæreditavit illos ».

« Testamentum æternum constituit cum illis, et justitiam et judicia sua ostendit illis ».

« Et magnalia honoris ejus vidit oculus illorum, et honorem vocis audiverunt aures illorum, et dixit illis : Attendite ab omni iniquo ».

« Et mandavit illis unicuique de proximo suo ».

« Vite illorum coram ipso sunt semper, non sunt absconse ab oculis ipsius ».

« In unquamque gentem præposuit rectorem ».

« Et pars Dei, Israel facta est manifesta ».

« Et omnia opera illorum velut sol in conspectu Dei : et oculi ejus sine intermissione inspicientes in vis eorum ».

« Non sunt absconsa testamenta per iniquitates eorum in conspectu Dei ».

« Eleemosyna viri quasi signaculum cum ipso : et gratiam hominis quasi pupillam conservabit ».

« Et postea resurget, et retribuet illi retributionem, unicuique in caput ipsorum, et convertet in interiores partes terræ ».

« Penitentibus autem dedit viam justitiæ, et confirmavit deficientes sustinere, et destinavit illis sortem veritatis ».

« Convertere ad Dominum, et relinque peccata tua ».

« Precare ante faciem Domini, et minue offensa ».

« Revertere ad Dominum, et avertere ab injuria tua, et nimis odito execrationem ».

« Et cognosce justitias et judicia Dei, et sta in sorte propositionis, et orationis altissimi Dei ».

« In partes vade sæculi sancti, cum vivis et dantibus confessionem Deo ».

« Non demoreris in errore impiorum : ante mortem confitere. A mortuo quasi nihil perit confessio ».

« Confiteberis, et laudabis Deum, et gloriaberis, et laudabis Deum, et gloriaberis in miserationibus illius ».

« Quam magna misericordia Domini, et propitiatio illius convertentibus ad se ! »

« Nec enim omnia possunt esse in hominibus, quoniam non est immortalis filius hominis, et in vanitate malitiæ placuerunt ».

« Quid lucidius sole ? Et hic deficit. Aut quid nequius quam quod excogitavit caro et sanguis ? Et hoc arguetur ».

« Virtutem altitudinis cæli ipse conspiciet : et omnes homines terra et cinis ».

## CAPUT XVIII.

« Qui vivit in æternum, creavit omnia simul. Deus solus justificabitur, et manet invictus rex in æternum ».

« Quis sufficit enarrare opera illius ? »

« Quis enim investigabit magnalia ejus ? »  
« Virtutem autem magnitudinis ejus quis enuntiabit ? Aut quis adjiciet enarrare misericordiam ejus ? »

« Non est minuere, neque adjicere, nec est invenire magnalia Dei ».

« Cum consummaverit homo, tunc incipiet : et cum quieverit, aperiabitur ».

« Quid est homo, et quæ est gratia illius ? Et quid est bonum, aut quid nequam illius ? »

« Numerus dierum hominum, ut multum, centum anni, quasi gutta aque maris deputati sunt : et sicut calculus arena, sic exigui anni in diebus ».

« Propter hoc patiens est Deus in illis, et effudit super eos misericordiam suam ».

« Vidit presumptionem cordis eorum, quoniam mala est : et cognovit subversionem illorum, quoniam nequam est ».

« Ideo adimplevit propitiationem suam in illis, et ostendit eis viam æquitalis ».

« Misericordia hominis circa proximum suum : misericordia autem Dei super omnem carnem ».

« Qui misericordiam habet, docet, et erudit quasi pastor gregem suum ».

« Miseretur excipientis doctrinam miserationis, et qui festinat in iudicis ejus ».

« Fili, in bonis non des querelam, et in omni dato non des tristitiam verbi mali ».

« Nonne ardorem refrigerabit ros ? Et sic verbum melius quam datum ».

« Nonne ecce verbum super datum bonum ? Sed utraque cum homine justificato ».

« Stultus acriter improperebit : et datus indisiplinati tabescere facit oculos ».

« Ante iudicium para justitiam tibi, et antequam loquaris, discite ».

« Ante languorem adhibe medicinam : et ante iudicium interroga teipsum, et in conspectu Dei invenies propitiationem ».

« Ante languorem humilia te, et in tempore infirmitatis ostende conversationem tuam ».

« Non impediaris orare semper, et ne verearis usque ad mortem justificari : quoniam merces Dei manet in æternum ».

« Ante orationem præpara animam tuam : et non esse quasi homo qui lenat Deum ».

« Memento ire in die consummationis : et tempus retributionis in conversatione faciei ».

« Memento paupertatis in tempore abundantie, et necessitatum paupertatis in die divitiarum ».

« A mane usque ad vesperam immutabitur tempus, et hæc omnia citata in oculis Dei ».

« Homo sapiens in omnibus metuet, et in diebus delictorum attendet ab inertia ».

« Omnis astutus agnoscit sapientiam, et invenienti eam dabit confessionem ».

« Sensati in verbis et ipsi sapienter egerunt: et intellexerunt veritatem et justitiam, et impleverunt proverbialia et judicia ».

« Post concupiscentias tuas non eas, et a voluntate tua avertere ».

« Si praestes animae tuae concupiscentias ejus, faciet te in gaudium inimicis tuis ».

« Ne [Al. Non] oblecteris in turbis nec in modicis: assidua enim est commissio illorum ».

« Ne fueris mediocris in contentione ex fenore, et est tibi nihil in sacculo: eris enim invidus vitae tuae ».

## CAPUT XIX.

« Operarius ebriosus non locupletabitur: et qui spernit modica, paulatim decidet ».

« Vinum et mulieres apostatae faciunt sapientes, et arguunt sensatos ».

« Et qui se jungit fornicariis, erit nequam: putredo et vermes hereditabunt illum, et extolletur in exemplum majus, et tolletur de numero animae ejus ».

« Qui credit cito, levis corde est, et minorabitur: et qui delinquit in animam suam, insuper habebitur ».

« Qui gaudet iniquitate, denotabitur: et qui odit correptionem, minuetur vita: et qui odit loquacitatem, exstinguit malitiam ».

« Qui peccat in animam suam, poenitebit: et qui jucundatur in malitia, denotabitur ».

« Ne iteres verbum nequam, et durum, et non minoraberis ».

« Amico et inimico noli narrare sensum tuum: et si est tibi delictum, noli denudare ».

« Audiet enim te, et custodiét te, et quasi defendens peccatum, odiet te, et sic adort tibi semper »:

« Audisti verbum adversus proximum tuum? Commoriatur in te, fidens quoniam monte dirumpet ».

« A facie verbi parturit fatuus, tanquam gemitus partus infantis ».

« Sagittae infixae femori carnis, sic verbum in corde stulti ».

« Corripe amicum, ne forte non intellexerit, et

dicoat: Non feci: aut si fecerit, ne iterum addat facere ».

« Corripe amicum: saepe enim fit commissio ».

« Et non omni verbo credas: est qui labitur lingua, sed non ex animo ».

« Quis est enim qui non deliquerit in lingua sua? Corripe proximum antequam commiseris »:

« Et da locum timori Altissimi: quia omnis sapientia timor Dei, et in illa timere Deum, et in omni sapientia dispositio legis ».

« Et non est sapientia nequitiæ disciplina: et non est cogitatus peccatorum prudentia ».

« Est nequitiæ, et in ipsa execratio: et est insipiens qui minuit sapientiam ».

« Melior est homo qui minuit sapientiam, et deiciens sensu in timore, quam qui abundat sensu, et transgreditur legem Altissimi ».

« Et solertia certa, et ipsa iniqua. Et est qui emittit verbum certum enarrans veritatem ».

« Est qui nequitur humiliat se, et interiora ejus plena sunt dolo »:

« Et est qui se nimium submittit multa humilitate: et est qui inclinat faciem suam, et fingit se non videre quod ignoratum est ».

« Et si ab imbecillitate virum veteret peccare, si invenerit tempus malefaciendi, malefaciet ».

« Ex visu cognoscitur vir, et ab occurru faciei cognoscitur sensatus ».

« Amicus corporis, et risus dentium, et ingressus hominis enuntiant de illo ».

« Est correptio mendax in ira contameliosus: et est judicium, quod non probatur esse bonum: et est tacens, et ipse est prudens ».

## CAPUT XX.

« Quam bonum est arguere, quam irasci, et confitentem in oratione non prohibere »!

« Concupiscentia spadonis devirginabit juvenulam ».

« Sic qui facit per vim iudicium iniquum ».

« Quam bonum est correptum manifestare poenitentiam! Sic enim effugies voluntarium peccatum ».

« Est tacens, qui invenitur sapiens: et est odibilis qui procaax est ad loquendum ».

« Est tacens non habens sensum loquelæ: et est tacens sciens tempus aptum ».

« Homo sapiens tacebit usque ad tempus: las-

civus autem, et imprudens non servabunt tempus ».

« Qui nullis ulitur verbis, lædet animam suam: et qui potestatem sibi sumit injuste, odietur ».

« Est processio in malis viro indiscipulato, et est inventio in detrimentum ».

« Est datum, quod non est utile, et est datum, cujus retributio duplex ».

« Est propter gloriam minoratio: et est qui ab humilitate levabit caput ».

« Est qui multa redimat modico pretio, et restituens ea in septuplum ».

« Sapiens in verbis seipsum amabilem facit: gratiae autem factorum effundentur ».

« Datus insipientis non erit utilis tibi: oculi enim illius septemplex sunt ».

« Exigua dabit, et multa improperebit: et apertio oris illius inflammatio est ».

« Hodie feneratur quis, et cras expetit: odibilis est homo hujusmodi ».

« Fatuo non erit amicus, et non erit gratia bonis illius ».

« Qui enim edunt panem illius, falsæ linguae sunt. Quoties, et quanti iridebunt eum! Neque enim quod habendum erat, directo sensu distribuit: similiter et quod non erat [Al. tac. orant] habendum ».

« Lapsus falsæ linguae, quasi qui in pavimento cadens: sic casus malorum festinanter veniet ».

« Homo acharis quasi fabula vana, in ore indiscipulato assidua erit ».

« Ex ore fatui reprohabitur parabola: non enim dicit illam in tempore suo ».

« Est qui vetatur peccare pro inopia, et in requie sua stimuletur ».

« Est qui perdet animam suam pro confusione, et ab imprudenti persona perdet eam: persona autem acceptione perdet se ».

« Est qui pro confusione promittit amico, et lucratus est eum inimicum gratis ».

« Opprobrium nequam in homine mendacium, et in ore indiscipulato assidue erit ».

« Potior fur quam assiduitas viri mendacis: perditionem autem ambo hereditabunt ».

« Mores hominum mendacium sine honore: et confusio illorum eum ipsis sine intermissione ».

« Sapiens in verbis producet seipsum, et homo prudens placebit magnatis ».

« Qui operatur terram suam, inaltabit acervum rugum: et qui operatur justitiam, ipse exaltabitur: qui vero placet magnatis, effugiet iniquitatem ».

« Xenia et dona exocæcant oculos iudicum, et quasi mutus in ore avertit correptiones [Al. correptionem] eorum ».

« Sapientia absconsa et thesaurus invisus, quam utilitas in utrisque »?

« Melior est qui colat insipientiam suam, quam homo qui abscondit sapientiam suam ».

## CAPUT XXI.

« Fii, peccasti? Non adicias iterum: sed et de pristinis deprecare, ut tibi dimittantur ».

« Quasi a facie colubri fuge peccata: et si accesseris ad illa, suscipiet te ».

« Dentes leonis, dentes ejus, interficientes animas hominum ».

« Quasi rompha bis acuta omnis iniquitas: plaga illius non est sanitas ».

« Objurgatio et injuria annullant substantiam: et domus que nimis locuples est, annullabitur superbia: sic substantia superbi eradicabitur ».

« Deprecatio pauperis ex ore usque ad aures ejus perveniet, et iudicium festinato adveniet illi ».

« Qui odit correptionem, vestigium est peccatoris: et qui timet Deum, convertetur ad cor suum ».

« Notus a longe potens lingua audaci, et sensatus scit labi se [Al. tac. se] ab ipso ».

« Qui edificat domum suam impendiis alienis, quasi qui colligit lapides suos in hieme ».

« Stuppa collecta synagoga peccantium, et consummatio illorum lamina ignis ».

« Via peccantium complanata lapidibus, et in fine illorum inferi, et tenebrae, et pena ».

« Qui custodit justitiam, continebit sensum ejus ».

« Consummatio timoris Dei, sapientia et sensus ».

« Non erudietur qui non est sapiens in bono ».

« Est autem sapientia, quae abundat in malo: et non est sensus ubi est amaritudo ».

« Scientia sapientis tanquam inundatio abundabit, et consilium illius sicut fons vitae permanet ».

« Cor fatui quasi vas confectum, et omnem sapientiam non tenebit ».

« Verbum sapiens quodcumque audierit sciens,

laudabit, et ad se adjiciet : audivit luxuriosus, et discipulebit illi, et projiciet illud post dorsum suum ».

« Narratio fatui quasi sarcina in via : nam in labiis sensati invenitur gratia ».

« Os prudentis quaritur in ecclesia, et verba illius cogitantur in cordibus suis ».

« Tanquam domus exterminata, sic fatuo sapientia, et scientia insensati inenarrabilia verba ».

« Compedes in pedibus, stulto doctrina : et quasi vincula manuum super manum dextram ».

« Fatuus in risu exultat vocem suam : vir autem sapiens vix tacite ridebit ».

« Ornamentum aureum prudenti doctrina, et quasi brachiale in brachio dextro ».

« Pes fatui facilis in domum proximi : et homo peritus confundetur a persona potentis ».

« Stultus a fenestra respiciet [Al. respiciat] in domum ; vir autem eruditus foris stabit ».

« Stultitia hominis ansculare per ostium : et prudens gravabitur contumelia ».

« Labia imprudentium stulta narrabunt : verba autem prudentium statera ponderabuntur ».

« In ore fatuorum cor illorum : et in corde sapientium os illorum ».

« Dum maledicit impius diabolum, maledicit ipse animam suam ».

« Susurro coinquinabit animam suam, et in omnibus odietur : et qui cum eo manserit, odiosus erit : tacitus et sensatus honorabitur ».

## CAPUT XXII.

« In lapide luteo lapidatus est piger, et omnes loquentur super aspersionem illius ».

« De stercore boum lapidatus est piger : et omnis qui tetigerit eum, excutiet manus ».

« Confusio patris est de filio disciplinato : filia autem in deminoratione fiet ».

« Filia prudens hereditas viro suo, nam quae confundit, in contumeliam fit genitoris ».

« Patrem et virum confundit audax, et ab impiis non minorabitur, ab utrisque autem innotabitur ».

« Musica in luctu importuna narratio : flagella et doctrina in omni tempore sapientia ».

« Qui docet fatuum, quasi qui conglutinat testam ».

« Qui narrat verbum non audienti, quasi qui excitat dormientem de gravi somno ».

« Cum dormiente loquitur qui enarrat stulto

sapientiam : et in fine narrationis dicit : Quis est hic ? »

« Supra mortuum plora, defecit enim lux ejus : et supra fatuum plora, defecit [Al. defecit] enim sensus ».

« Modicum plora supra mortuum, quoniam requievit ».

« Nequissimi enim nequissima vita super mortem fatui ».

« Luctus mortui septem dies, fatui autem et impii omnes dies, vita illorum ».

« Cum stulto ne multum loquaris, et cum insensato ne abieris ».

« Serva te ab illo, ut non molestiam habeas, et non coinquinaberis peccato illius ».

« Deflecte ab illo, ut non molestiam habeas, et non coinquinaberis peccato illius ».

« Super plumbum quid gravabitur ? Et quod illi aliud nomen quam fatuus ? »

« Arenam, et salem, et massam ferri facilis est ferre, quam hominem imprudentem, et fatuum, et impium ».

« Loramentum ligneum colligatum in fundamento edificii non dissolvitur : sic et cor confirmatum in cogitatione consilii ».

« Cogitatus sensati in omni tempore, metu non depravabitur ».

« Sicut palli in excelsis, et cimenta sine impensa posita, contra faciem venti non permanent » :

« Sic et cor timidum in cogitatione stulti contra impetum timoris non resistet ».

« Sicut cor tepidum in cogitatione fatui, omni tempore non metuet : sic et qui in preceptis Dei permanet semper ».

« Pungens oculum deducit lacrymas : et qui pungit cor, profert sensum ».

« Mittens lapidem in volatilia, dejiciet illa : sic et qui conviciatur amico, dissolvit amicitiam ».

« Ad amicum etsi produxeris gladium, non desperes : est enim regressus. Ad amicum ».

« Si aperueris os triste, non timeas : est enim concordatio, excepto convicio, et improprio, et superbia, et mysterii revelatione, et plaga dolorosa : in his omnibus effugiet amicus ».

« Fidem posside cum amico in paupertate illius, ut et in bonis illius lateris ».

« In tempore tribulationis illius permane illi fidelis, ut et in hereditate illius cohaeres sis ».

« Ante ignem camini vapor, et fumus ignis insaltatur : sic et ante sanguinem maledicta, et contumelie, et minae ».

« Amicum salutare non confundar, a facie illius non me abscondam : et si mala mihi evenerint per illum, sustinebo ».

« Omnis, qui audiet, cavebit se ab eo ».

« Quis dabit ori meo custodiam, et super labia mea signaculum certum, ut non cadam ab ipsis, et lingua mea perdat me ? »

## CAPUT XXIII.

« Domine pater, et dominator vitae meae, ne derelinquas me in consilio eorum : nec [Al. ne] si nescias me cadere in illis ».

« Quis superponet in cogitatu meo flagella, et in corde meo doctrinam sapientiae, ut ignorantibus eorum non parcant mihi, et non appareant delicta eorum ».

« Et ne adnascantur ignorantiae meae, et multiplicentur delicta mea, et peccata mea abundant, et incidam in conspectu adversariorum meorum ? Et gaudeat super me inimicus meus ? »

« Domine pater, et Deus vitae meae, ne derelinquas me in cogitatu illorum ».

« Extolentiam oculorum meorum ne dederis mihi, et omne desiderium averte a me ».

« Aufer a me ventris concupiscentias, et concubitus concupiscentiae ne apprehendant me, et animae irreverenti et infrunitae ne tradas me ».

« Doctrinam oris audite, filii : et qui custodierit illam, non periet labiis, nec scandalizabitur in operibus nequissimis ».

« In vanitate sua apprehenditur peccator : et superbus et maledicus scandalizabitur in illis ».

« Jurationi non assuescat os tuum : multi enim casus in illa ».

« Nominatio vero Dei non sit assidua in ore tuo, et nominibus sanctorum non admiscearis : quoniam non eris immunis ab eis ».

« Sicut enim servus interrogatus assidue, a livore non minuitur : sic omnis jurans, et hominans, in toto a peccato non purgabitur ».

« Vir multum jurans implebitur iniquitate, et non discedet a domo illius plaga ».

« Et si frustraverit, delictum illius super ipsum erit : et si dissimulaverit, delinquet [Al. delinquet] dupliciter ».

« Et si in vacuum juraverit, non justificabitur : replebitur enim retributione domus illius ».

« Est et alia loquela contraria morti : non invenitur in hereditate Jacob ».

« Etenim a misericordibus omnia haec auferentur, et in delictis non volutabuntur ».

« Indisciplinate loquelo non assuescat os tuum : est enim in illa verbum peccati ».

« Memento patris et matris tuae : in medio enim magnatorum consistis ».

« Ne forte obliviscatur te Deus in conspectu illorum, et assiduitate tua infatuatus, improprium patiaris, et malissus non nasci, et diem nativitatis tuae maledicas ».

« Homo assuetus in verbis impropriet, in omnibus diebus suis non erudietur ».

« Duo genera abundant in peccatis, et tertium adducit iram, et perditionem ».

« Anima calida quasi ignis ardens non exstinguetur, donec aliquid glutiat » :

« Et homo nequam in ore carnis suae non desinet, donec incendat ignem ».

« Homini fornicario omnis panis dulcis, non fatigabitur transgrediens usque ad finem ».

« Omnis homo qui transgreditur lectum suum, contemnens in animam suam, et dicens : Quis me videt ? »

« Tenebrae circumdant me, et parietes cooperiunt me, et nemo circumspicit me : quem vorare ? Delictorum meorum non memorabitur Altissimus ».

« Et non intelligit quoniam omnia videt oculus illius, quoniam expellit a se timorem Dei hujusmodi hominis timor, et oculi hominum timentes illum » :

« Et non cognovit quoniam oculi Domini multo plus lucidiores sunt [Al. tac. sunt] super solem, circumspicientes omnes vias hominum, et profundum abyssi, et hominum corda intuentes in absconditis partes ».

« Domino enim Deo antequam crearentur, omnia sunt agnita : sic et post perfectum respiciet omnia ».

« Hic in plateis civitatis vindicabitur, et quasi pullus equinus fugabitur : et ubi non speravit, apprehendetur ».

« Et erit dedecus omnibus, eo quod non intellexerit timorem Domini ».

« Sic et mulier omnis relinquens virum suum, et statuens hereditatem ex alieno matrimonio ».

« Primo enim in lege Altissimi incredibilis fuit : secundo, in virum suum deliquit : tertio et in adulterio fornicata est, et ex alio viro filios statuit sibi ».

« Haec in ecclesiam adducetur, et in filios ejus respicietur ».

« Non tradeant filii ejus radices, et rami ejus non dabunt fructum ».

« Derelinquet in maledictum memoriam ejus, et dodecus illius non delebitur ».

« Et agnoscet qui derelicti sunt, quoniam nihil melius est quam timor Dei: et nihil dulcius quam respicere in mandatis Domini ».

« Gloria magna est sequi Dominum: longitudo enim dierum assumetur ab eo ».

## CAPUT XXIV.

« Sapientia laudabit animam suam, et in Deo honorabitur, et in medio populi sui gloriabitur ».

« Et in ecclesis Altissimi aperiet os suum, et in conspectu virtutis illius gloriabitur ».

« Et in medio populi sui exaltabitur, et in plenitudine sancta admirabitur ».

« Et in multitudine electorum habebit laudem, et inter benedictos benedictur, dicens »:

« Ego ex ore Altissimi prodivi primogenita ante omnem creaturam ».

« Ego feci in caelis, ut orietur lumen indeficiens, et sicut nebula texi omnem terram ».

« Ego in altissimis habitavi, et thronus meus in columna nobis ».

« Gyrum caelicircueivi sola, et profundum abyssi penetraui, in fluctibus maris ambulavi ».

« Et in omni terra steti, et in omni populo ».

« Et in omni gente primatum habui ».

« Et omnium excellentium et humilium corda virtute calcavi: et in his omnibus requiem quassivi, et in hereditate Domini morabor ».

« Tunc praecipit, et dixit mihi Creator omnium: et qui creavit me, requievit in tabernaculo meo ».

« Et dixit mihi: In Jacob inhabita, et in Israel hereditate, et in electis meis mitte radices ».

« Ab initio, et ante saecula creata sum, et usque ad futurum saeculum non desinam, et in habitatione sancta coram ipso ministravi ».

« Et sic in Sion firmata sum, et in civitate sanctificata similiter requievi, et in Jerusalem potestas mea ».

« Et radicevi in populo honorificato, et in parte Dei mei hereditas illius, et in plenitudine sanctorum detentio mea ».

« Quasi cedrus exaltata sum in Libano, et quasi cypressus in monte Sion ».

« Quasi palma exaltata sum in Cades, et quasi plantatio rosae in Jericho ».

« Quasi oliva speciosa in campis, et quasi plantanus exaltata sum juxta aquam in plateis ».

« Sicut cinnamomum, et balsamum aromatizans odorem dedi: quasi myrrha electa dedi suavitatem odoris ».

« Et quasi storax, et galbanus, et ungula, et gutta, et quasi Libanus non incisus vaporavi habitationem meam, et quasi balsamum non mixtum odor meus ».

« Ego quasi terebinthus extendi ramos meos, et rami mei honoris et gratiae ».

« Ego quasi vitis fructificavi suavitatem odoris: et flores mei fructus honoris et honestatis ».

« Ego mater pulchra dilectionis, et timoris, et agnitionis, et sanctae spei ».

« In me gratia omnis viae et veritatis, in me omnis spes vitae et virtutis ».

« Transite ad me omnes qui concupiscitis me; et a generationibus meis implemini ».

« Spiritus enim meus super mel dulcis, et hereditas mea super mel et favum ».

« Memoria mea in generationibus saeculorum ».

« Qui edunt me, adhuc esurient: et qui bibunt me, adhuc sitient ».

« Qui audit me, non confundetur: et qui operantur in me, non peccabunt ».

« Qui elucidant me, vitam aeternam habebunt ».

« Haec omnia liber vitae, et testamentum Altissimi, et agnitio veritatis ».

« Legem mandavit Moyses in praeceptis justitiarum, et hereditatem domui Jacob, et Israel promissiones ».

« Posuit David puero suo excitare regem ex ipso fortissimum, et in throno honoris sedentem in sempiternum ».

« Qui implet quasi Phison sapientiam, et sicut Tigris in diebus novorum ».

« Qui adimplet quasi Eufrates sensum: qui multiplicat quasi Jordanis in tempore messis ».

« Qui mittit disciplinam sicut lucem, et assistens quasi Gebon in die vindemiae ».

« Qui perficit primus scire ipsam, et infirmior non investigabit eam ».

« A mari enim abundavit cogitatio ejus, et consilium illius ab abyso magna ».

« Ego sapientia effudi flumina ».

« Ego quasi trames aquae immense de fluvio, ego quasi fluvius Dioryx, et sicut aqueductus exivi in paradiso ».

« Dixi: Rigabo hortum meum plantationum, et inebriabo prati mei fructum ».

« Et ecce factus est mihi trames abundans, et fluvius meus appropinquabit ad mare ».

« Quoniam doctrinam quasi antelucanum illumino omnibus, et enarrabo illam usque ad longinquum ».

« Penetrabo omnes inferiores partes terre, et inspiciam omnes dormientes, et illuminabo omnes sperantes in Domino ».

« Adhuc doctrinam quasi prophetiam effundam, et relinquam illam quaerentibus sapientiam, et non desinam in progenies illorum usque in aevum sanctum ».

« Videte quantum non soli mihi laboravi, sed omnibus exquirentibus veritatem ».

## CAPUT XXV.

« In tribus placitum est spiritui meo, quae sunt probata coram Deo, et hominibus »:

« Concordia fratrum, et amor proximorum, et vir et mulier bene sibi consentientes ».

« Tres species odit anima mea, et aggravor valde animam illorum »:

« Pauperem superbum: divitem mendacem: senem fatuum et insensatum ».

« Quae in juventute tua non congregasti, quomodo in senectute tua invenies »?

« Quam speciosum cantici iudicium, et presbyteris cognoscere consilium »!

« Quam speciosa veteranis sapientia, et glorio- sis intellectus, et consilium »!

« Corona senum multa peritia, et gloria illorum timor Dei ».

« Novem insuspiciabilia cordi magnificavi, et decimum dicam in lingua hominibus »:

« Homo, qui jucundatur in filiis, vivens et videns subversionem inimicorum suorum ».

« Beatus qui habitat cum muliere sensata, et qui lingua sua non est lapsus, et qui non servivit indignis se ».

« Beatus, qui invenit amicum verum, et qui enarrat justitiam auri audientis ».

« Quam magnus, qui invenit sapientiam et scientiam! Sed non est super timentem Dominum ».

« Timor Dei super omnia se superposuit ».

« Beatus homo, cui donatum est habere timorem Dei: qui tenet illum, cui assimilabitur »?

« Timor Dei initium dilectionis ejus: fidei autem initium agglutinandum est ei ».

« Omnis plaga tristitia cordis est: et omnis malitia, nequitia mulieris ».

« Et omnem plagam, et non plagam videbit cordis »:

« Et omnem nequitiam, et non nequitiam mulieris »:

« Et omnem obductum, et non obductum odientium »:

« Et omnem vindictam, et non vindictam inimicorum ».

« Non est caput nequius super caput colubri »:

« Et non est ira super iram mulieris. Commorari leoni et draconi placebit, quam habitare cum muliere nequam ».

« Nequitia mulieris immutat faciem ejus: et obcaecat vultum suum tanquam ursus: et quasi saccum ostendit. In medio proximorum ejus ».

« Ingemuit vir ejus, et audiens suspiravit modicum ».

« Brevis omnis malitia super malitiam mulieris, sors peccatorum cadet super illam ».

« Sicut ascensus arenosus in pedibus veterani: sic mulier linguata homini quieto ».

« Ne respicias in mulieris speciem, et non concupiscas mulierem in specie ».

« Mulieris ira, et irreverentia, et confusio magna ».

« Mulier si primatum habeat, contraria est viro suo ».

« Cor humile, et facies tristis, et plaga cordis, mulier nequam ».

« Manus debiles, et genua dissoluta, mulier qui non beatificat virum suum ».

« A muliere initium factum est peccati, et per illam omnes morimur ».

« Non des aquae tuae exitum, nec modicum: nec mulieri nequam veniam prodeundi ».

« Si non ambulaverit ad manum tuam, confundet te in conspectu inimicorum ».

« A carnibus tuis absconde illam, ne semper te abutatur ».

## CAPUT XXVI.

« Mulieris bonae beatus vir: numerus enim annorum illius duplex ».

« Mulier fortis oblectat virum suum, et annos vite illius in pace implebit ».



« Pars bona, mulier bona, in parte timentium Deum dabitur viro pro factis bonis ».

« Divitis autem, et pauperis cor bonum, in omni tempore vultus illorum hilaris ».

« A tribus timuit cor meum, et in quarto facies mea metuit »:

« Delaturam civitatis: et collectionem populi »,  
« Calumniam mendacem: super mortem, omnia gravia »:

« Dolor cordis et luctus, mulier zelotypa ».

« In muliere zelotypa flagellum lingue, omnibus communicans ».

« Sicut bonum jugum, quod movetur, ita et mulier nequam, qui tenet illam, quasi qui apprehendit scorpionem ».

« Mulier ebriosa ira magna: et contumelia, et turpitudine illius non tegetur ».

« Fornicatio mulieris in extollentia oculorum, et in pelpebris illius agnosceretur ».

« In filia non avertente se, firma custodiam: ne inventa occasione utatur se ».

« Ab omni irreverentia oculorum ejus cave, et ne mireris si te nlexerit ».

« Sicut viator sitiens, ad fontem se aperiet, et ab omni aqua proxima bibet, et contra omnem palum sedebet, et contra omnem sagittam aperiet pharetram, donec deficiat ».

« Gratia mulieris sedula delectabit virum suum, et ossa illius impinguabit ».

« Disciplina illius datum Dei est ».

« Mulier sensata et tacita, non est immutatio eruditæ animæ ».

« Gratia super gratiam mulier sancta, et pudrata ».

« Omnis autem ponderatio non est digna continentis animæ ».

« Sicut sol oriens mundo in altissimis Dei: sic mulieris bonæ species in ornamentum domus ejus ».

« Lucerna splendens super candelabrum sanctum, et species faciei super statum stabilem ».

« Columnæ aures super bases argenteas, et pedes firmi super plantas stabilis mulieris ».

« Fundamenta æterna supra petram solidam, et mandata Dei in corde mulieris sanctæ ».

« In duobus contristatum est cor meum, et in tertio iracundia mihi advenit »:

« Vir bellator deficiens per inopiam: et vir sensatus contemptus »:

« Et qui transgreditur a justitia ad peccatum, Deus paravit eum ad romphæam ».

« Duæ species difficiles et periculosæ mihi appa-

ruerunt. Difficile exiit negotians a negligentia: et non justificabitur caupo a peccatis laborium ».

## CAPUT XXVII.

« Propter inopiam multi deliquerunt: et qui querit locupletari, averit oculum suum ».

« Sicut in medio compaginis lapidum palus figitur: sic et inter medium venditionis et emptionis angustabitur peccatum ».

« Conteretur cum delinquente delictum ».

« Si non in timore Domini teneris te instanter, cito subvertetur domus tua ».

« Sicut in percussura cribri remanebit pulvis: sic aporia hominis in cogitatu illius ».

« Vasa figuli probat fornax, et homines justos tentatio tribulationis ».

« Sicut rusticatio de ligno ostendit fructum illius: sic verbum ex cogitatu cordis hominis ».

« Ante sermonem non laudes virum: hæc enim tentatio est hominum ».

« Si sequis justitiam, apprehendes illam: et indues quasi poderem honoris, et inhabitabis cum ea, et proteget te in sempiternum, et in die agnitionis invenies firmamentum ».

« Volatilia ad sibi similia conveniunt: et veritas ad eos, qui operantur illam, revertetur ».

« Leo venationi insidiatur semper: sic peccata operantibus iniquitates ».

« Homo sanctus in sapientia manet sicut sol: nam stultus sicut luna mutatur ».

« In medio insensatorum serva verbum temporis: in medio autem cogitantium assiduus esto ».

« Narratio peccantium odiosa, et risus illorum in deliciis peccati ».

« Loquela multum jurans, horripilationem capiti statuet: et irreverentia ipsius obturatio aurium ».

« Effusio sanguinis in rixa superborum: et maledictio illorum auditus gravis ».

« Qui denudat arcana amici, fidem perdit, et non inveniet amicum ad animum suum »:

« Dilige proximum, et conjungere fide cum illo ».

« Quod si denudaveris absconsa illius, non persequeris post eum ».

« Sicut enim homo, qui perdit amicum suum: sic et qui perdit amicitiam proximi sui ».

« Et sicut qui dimittit avem de manu sua: sic dereliquisti proximum tuum, et non eum capies ».

« Non illum sequaris, quoniam longe abest: effugit enim quasi caprea de laqueo: quoniam vulnerata est anima ejus ».

« Ultra eum non poteris colligare: et maledicti est concordatio ».

« Denudare autem amici mysteria, desperatio est animæ infelicis ».

« Annuens oculo fabricat iniqua, et nemo eum abjiciet ».

« In conspectu oculorum tuorum conculcabit os suum, et super sermones tuos admirabitur: novissime autem pervertet os suum, et in verbis tuis dabit scandalum ».

« Multa odivi, et non cœquavi ei, et Dominus odiet illum ».

« Qui in altum mittit lapidem, super caput ejus cadet: et plaga dolosa dolosi dividet vulnera ».

« Et qui loveam fodit, incidet in eam: et qui statuit lapidem proximo, offendet in eo: qui laqueum alicui ponit, peribit in illo ».

« Facienti nequissimum consilium, super ipsum devolvetur, et non agnoscat unde adveniat illi ».

« Illusio, et improperium superborum, et vindicta sicut leo insidiabitur illi ».

« Laqueo peribunt qui oblectantur casu justorum: dolor autem consumet illos antequam moriantur ».

« Ira et furor, utraque execrabilia sunt: et vir peccator continens erit illorum ».

## CAPUT XXVIII.

« Qui vindicari vult, a Domino inveniet vindictam: et peccata illius servans servabit ».

« Relinque proximo tuo nocenti te: et tunc deprecanti tibi peccata solventur ».

« Homo homini reservat iram, et a Deo querit medelam ».

« In hominem similem sibi non habet misericordiam, et de peccatis suis deprecatur »?

« Ipse cum caro sit, reservat iram, et propitiationem petit a Deo? Quis exorabit pro delictis illius »?

« Memento novissimorum, et desine inimicari »:

« Tabitudo enim et mors imminet in mandatis ejus ».

« Memorare timorem Dei, et non irascaris proximo ».

« Memorare testamentum Altissimi, et despice ignorantiam proximi ».

« Abstine te a lite, et minue peccata ».

« Homo enim iracundus incendit litem, et vir peccator turbabit amicos, et in medio pacem habentium immittet inimicitiam ».

« Secundum enim ligna silvæ, sic ignis exarsedit; et secundum virtutem hominis, sic iracundia illius erit, et secundum substantiam suam exaltabit iram suam ».

« Certamen festinatium incendit ignem: et lis festinans effundit sanguinem: et lingua testificans adducit mortem ».

« Si sufflaveris in scintillam, quasi ignis exardabit: et si expueris super illam, extinguatur: utraque ex ore proficiuntur ».

« Susurro et bilinguis maledictus: multos enim turbabit pacem habentes ».

« Lingua tertia multos commovit, et dispersit illos de gente in gentem »:

« Civitates muratas divitum destruxit, et domos magnatorum effodit »:

« Virtutes populorum concidit, et gentes fortes dissolvit ».

« Lingua tertia mulieres viratas eiecit, et privavit illas laboribus suis ».

« Qui respicit illam, non habebit requiem, nec habebit amicum, in quo requiescat ».

« Flagelli plaga livorem facit: plaga autem lingue comminet ossa ».

« Multi ceciderunt in ore gladii: sed non sic quasi qui interierunt per linguam suam ».

« Beatus qui tectus est a lingua nequam, qui in iracundiam illius non transivit, et qui non attraxit jugum illius, et in vinculis ejus non est ligatus ».

« Jugum enim illius, jugum ferreum est: et vinculum illius, vinculum æreum est ».

« Mors illius, mors nequissima: et utilis potius infernus quam illa ».

« Perseverantia illius non permanebit, sed obtinebit vias injustorum: et in flamma sua non comburet justos ».

« Qui relinquunt Deum, incident in illam, et exardabit in illis, et non exstinguetur, et immitteret in illos quasi leo, et quasi pardus lædet illos ».

« Sepi aures tuas spinis, linguam nequam noli audire, et ori tuo facito ostia, et seras ».

« Aurum tuum et argentum tuum confa et verbis tuis facito stateram, et frenos ori tuo receptos »:

« Et attende, ne forte labaris in lingua, et cadas in conspectu inimicorum insidiantium tibi, et sit casus tuus ineanabilis in mortem ».

## CAPUT XXIX.

« Qui facit misericordiam, feneratur proximo suo: et qui prœvalet manu, mandata servat ».

« Fenerare proximo tuo in tempore necessitatis illius: et iterum redde proximo in tempore suo ».

« Confirma verbum, et fideliter age cum illo: et in omni tempore invenies quod tibi necessarium est ».

« Multi quasi inventionem æstimaverunt fenus, et præstiterunt molestiam his qui se adjuverunt ».

« Donec accipiant, osculantur manus dantis, et in promissionibus humilant vocem suam ».

« Et in tempore redditionis postulabit tempus, et loquetur verba tædii et murmurationum, et tempus causabitur ».

« Si autem potuerit reddere, adversabitur: solidi vix reddet dimidium, et computabit illud quasi inventionem ».

« Sin autem, fraudabit illum pecunia sua, et possidebit illum inimicum gratis »:

« Et convicia et maledicta reddet illi, et pro honore et beneficio reddet illi contumeliam ».

« Multi non causa nequitie non fenerati sunt, sed fraudari gratis timerunt ».

« Verumtamen super humilem animo fortior esto, et pro elemosyna non trabas illum ».

« Propter mandatum assume pauperem, et propter inopiam ejus ne dimittas eum vacuum ».

« Perde pecuniam propter fratrem et amicum tuum: et non abscondas illam sub lapide in perditionem ».

« Pone thesaurum tuum in præceptis Altissimi, et proderit tibi magis quam aurum ».

« Conclude elemosynam in corde pauperis: et hæc pro te exorabit ab omni malo ».

« Super scutum potentis, et super lanceam adversus inimicum tuum pugnavit ».

« Vir bonus fidem facit pro proximo suo »:

« Et qui perdidit confusionem, derelinquet sibi ».

« Gratiam fidejussoris ne obliviscaris: dedit enim pro te animam suam ».

« Repromissionem fugit peccator et immunus ».

« Bona repromissoris sibi adscribit peccator ».

« Et ingratus sensu derelinquet liberantem se ».

« Vir repromittit de proximo suo: et cum perdidit reverentiam, derelinquetur ab eo ».

« Repromissio nequissima multos perdidit dirigentes, et commovit illos quasi fluctus maris ».

« Viros potentes gyrans migrare fecit, et vagati sunt in gentibus alienis ».

« Peccator transgrediens mandatum Domini, incidet in promissionem nequam: et qui conatur multa agere, incidet in iudicium ».

« Recupera proximum secundum virtutem tuam, et attende tibi, ne incidas ».

« Initium vitæ hominis aqua et panis, et vestimentum, et attende protegens turpitudinem ».

« Melior est victus pauperis sub tegmine asserum, quam epulæ splendide in peregre sine domicilio ».

« Minimum pro magno placeat tibi, et improprium peregrinationis non audies ».

« Vita nequam hospitandi de domo in domum: et ubi habitabitur, non fiducialiter aget, nec aperiet os ».

« Habitabitur, et pascet, et potabit ingratos, et ad hæc amara audiet ».

« Hænc hospes, et orna mensam: et quæ in manu habes, ciba ceteros ».

« Exi a facie honoris amicorum meorum; necessitudine domus meæ hospitio mihi factus est frater ».

« Gravia hæc homini habenti sensum: Corruptio domus, et improprium feneratoris ».

## CAPUT XXX.

« Qui diligit filium suum, assiduat illi flagella, ut lætetur in novissimo suo, et non palpet proximorum ostia ».

« Qui docet filium suum, laudabitur in illo, et in medio domesticorum in illo gloriabitur ».

« Qui docet filium suum, in zelum mittit inimicum, et in medio amicorum gloriabitur in illo ».

« Mortuus est pater ejus, et quasi non est mortuus: similem enim reliquit sibi post se ».

« In vita sua vidit, et lætatus est in illo: in obitu suo non est contristatus, nec confusus est coram inimicis ».

« Reliquit enim defensorem domus contra inimicos, et amicis reddentem gratiam ».

« Pro animabus filiorum colligabit vulnera sua, super omnem vocem turbabuntur viscera ejus ».

« Equus indomitus evadit durus, et filius remissus evadit præceps ».

« Lacta filium, et paventem te faciet: iude cum eo, et contristabit te ».

« Non corrideas illi, ne doleas, et in novissimo obstupescens dentes tui ».

« Non des illi potestatem in juventute, et ne despicias cogitatus illius ».

« Curva cervicem ejus in juventute, et tunde latera ejus dum infans est, ne forte induret, et non credat tibi, et erit tibi dolor animæ ».

« Doce filium tuum, et operare in illo, ne turpitudinem illius offendas ».

« Melior est pauper sanus, et fortis viribus, quam dives imbecillis et flagellatus malitia ».

« Salus animæ in sanctitate justitiæ melior est omni auro et argento, et corpus validum quam census immensus ».

« Non est census super censum salutis corporis: et non est oblectamentum super cordis gaudium ».

« Melior est mors, quam vita amara: et requies æterna, quam langor perseverans ».

« Bona abscondita in ore clausa, quasi appositiones epularum circumposite sepulcro ».

« Quid proderit libatio idolo? Nec enim manducabit, nec odorabit »:

« Sic qui effugatur a Domino, portans mercedes iniquitatis »:

« Videns oculis, et ingemiscens, sicut spado complectens virginem, et suspirans ».

« Tristitiam non des animæ tuæ, et non affligas temetipsum in consilio tuo ».

« Jucunditas cordis hæc est vita hominis, et thesaurus sine defectione sanctitatis: et exultatio viri est longævitas ».

« Miserere animæ tuæ placens Deo, et contine: congrega cor tuum in sanctitate ejus, et tristitiam longe repelle a te ».

« Multos enim occidit tristitia, et non est utilis in illa ».

« Zelus et iracundia minuunt dies: et ante tempus senectam adducet cogitatus ».

« Splendidum cor, et bonum in epulis est: epulæ enim illius diligenter sunt ».

## CAPUT XXXI.

« Vigilia honestatis tabefaciet carnes, et cogitatus illius auferet somnum ».

« Cogitatus præscientiæ avertit sensum, et infirmitas gravis sobriam facit animam ».

« Laboravit dives in congregatione substantiæ, et in requie sua replebitur bonis suis ».

« Laboravit pauper in diminutione victus, et in fine inops sit ».

« Qui aurum diligit, non justificabitur: et qui insequitur consumptionem, replebitur ex ea ».

« Multi dati sunt in auro casus, et facta est in specie ipsius perditio illorum ».

« Lignum offensionis est aurum sacrificantium: vae illis, qui sectantur illud, et omnis imprudens deperiet in illo ».

« Beatus dives, qui iuventus est sine macula: et qui post aurum non abiit, nec speravit in pecunia et thesauris ».

« Quis est hic, et laudabimus eum? Fecit enim mirabilia in vita sua ».

« Qui probatus est in illo, et perfectus est, erit illi gloria æterna: qui potuit transgredi, et non est transgressus, facere mala, et non fecit »:

« Ideo stabilita sunt bona illius in Domino, et elemosynas illius enarrabit omnis ecclesia sanctorum ».

« Supra mensam magnam sedisti? Non aperias super illam faucem tuam prior ».

« Non dicas sic: Multa sunt, quæ super illam sunt ».

« Memento quoniam malus est oculus nequam ».

« Nequius oculo quid creatum est? Ideo ab omni facie sua lacrymabitur, cum viderit ».

« Ne extendas manum tuam prior, et invidia contaminatus erubescas ».

« Ne comprimis in convivio ».

« Intellige quæ sunt proximi tui ex teipso ».

« Ulere quasi homo frugi his, quæ tibi apponuntur: ne, cum manducas multum, odio habearis ».

« Cessa prior causa disciplina: et noli nimis esse, ne forte offendas ».

« Et si in medio multorum sedisti, prior illis ne extendas manum tuam, nec prior poscas bibere ».

« Quam sufficiens est homini erudito vianum exiguum! Et in dormiendo non laborabis ab illo, et non senties dolorem ».

« Vigilia, cholera, et toriura viro infrunilo ».

« Somnus sanitatis in homine parco, dormiet usque mane, et anima illius cum ipso delectabitur ».

« Et si coactus fueris in edendo multum, surge e medio, evome: et refrigerabit te, et non adduces corpori tuo infirmitatem ».